

սում: Մեր կարծիքով, հեղինակը ճիշտ փաստերին ոչ-ճիշտ մեկնարանում է տալիս: Սակայն, քանի որ այդ հարցը իրոք որ շատ բարդ հարց է և մի գրախոսականի սահմաններում անհնարին է դրան լիովին բավարար պատասխան տալ, մենք այդ խնդրին կանդրագառնանք առանձին հոդվածով:

3. Քննարկվող աշխատության հիմնական թերություններից մեկն էլ այն է, որ հեղինակը հետազոտության չի ենթարկել իր նյութի բաղադրամասը կազմող չբաշխե հարցը և հարաբերությունները արբունական հողատիրության շուրջը:

4. Գրքի թերություններից է և այն, որ հեղինակը իր տեսագաղափաց գործ է թողել այնպիսի կարևոր մի հանգամանք, ինչպիսին է Հայաստանի՝ ցարական կայսրության ծայրագավառներից մեկի, անտեսական գաղտնիքման և այն Ռուսաստանի կենտրոնական արդյունաբերական շրջանների ազդարանին կցորդը դարձնելու վրա:

5. Աշխատության մեջ հեղինակը, դժբախտաբար, չի անդրադարձել իր նյութի հետ անմիջականորեն առնչվող այնպիսի կարևոր հարցի վրա, ինչպիսին է գյուղում կապիտալիստական հարաբերությունների զարգացման պրոցեսը և որտեղ արդյունաբերության տակ գյուղական համայնքի քայքայումը, որը հատկապես աչքի էր ընկնում XIX դ. վերջերին և XX դ. սկզբներին:

6. Անվիճելի է, որ հողային հարցի անխզելի մասն է կազմում նաև հողերի կենտրոնաց-

ման հարցը: Գեո պրոֆ. Ս. Եղիազարյանը Անդրկովկասի համայնքին նվիրված իր աշխատության մեջ, հարեանցիորեն անդրադառնալով այդ հարցին, ցույց է տալիս, որ հենց Երևանի մոտիկ գյուղերից շատերում հողերի լավագույն մասը կենտրոնանում էր ունեռ սարրերի ձեռքում, համախ վերածվելով այգիների և անջատվելով համայնական գաշտերից: Այդ նույն պրոցեսը նկատում են նաև Անդրկովկասի պետական գյուղացիների անտեսական կյանքի ունումնասիրողները: Քննարկվող գրքում բերվող փաստական տվյալները իրավունք են տալիս կարծելու, որ մեր հեղինակը ի վիճակի կլիներ այդ բարդ, բայց շատ կարևոր հարցի վրա որոշ լույս սփռել: Մավում ենք, որ նա այդ բանը չի արել: Ե. Ավգալբեդյանի աշխատության այդ բացը պայմանավորված է այն հիմնական թերությունով, որ նա իր հետազոտությունը սահմանափակում է կալվածատիրական հողերի շուրջը կատարվող հարաբերությունները պարզարանելով, սավերի մեջ թողնելով պետական հողերի շուրջը կատարվող հարաբերությունները: մինչդեռ այսպես կրված պետական գյուղացիությունը կազմում էր գյուղական ողջ բնակչության 80 տոկոսից ավելին:

Չնայած վերոհիշյալ թերություններին, գրախոսվող աշխատությունը հիմնականում գրական երևույթ է մեր պատմական գրականության անդաստանում:

Ս. ՄԱՐԿՈՍՅԱՆ

Н. А. СМЕРНОВ, *Политика России на Кавказе в XVI—XVIII вв.*, Издательство социально-экономической литературы, Москва, 1958, 243 стр., цена 9 руб. 65 к.

Ն. Ա. ՍՄԻՐՆՈՎ, *Ռուսաստանի քաղաքականությունը Կովկասում* XVI—XVIII դդ., Սոցիալ-տնտեսական գրականության Հրատարակչություն, Մոսկվա, 1958, 243 էջ, գինը 9 ռ. 65 կ:

Վերջին տարիներս հրապարակեցին Սովետական Միության ժողովուրդների զարավոր բարեկամությունը, փոխադարձ կապերն ու հարաբերությունները լուսաբանող մի շարք ուսումնասիրություններ: Այդ աշխատությունների թվին պետք է դասել նաև Մոսկվայի Պետական համալսարանի պրոֆեսոր Ն. Ա. Սմիրնովի գրախոսվող աշխատությունը:

Գիրքը ընդգրկում է հարցերի լայն շրջան: Նա բաղկացած է ոչ մեծ նախաբանից և հետևյալ ինը գլուխներից. «Կովկասը XVI դ. և

Կարբայլի միացումը Ռուսաստանին. Իրան-թուրքական մրցակցությունը Անդրկովկասում XVII դ. և Ռուսաստանի քաղաքականությունը. Ղրիմ-թուրքական ազդեցության կարբարական ժողովրդի պաշտպանությունը Ռուսաստանի կողմից XVIII դ. առաջին կեսում. Հյուսիսային Կովկասը 1768—1774 թթ. ռուս-թուրքական պատերազմի ժամանակ. Ռուսաստանի քաղաքականությունը Կովկասում XVIII դ. երկրորդ կեսում. Հյուսիսային Կովկասը ռուս-թուրքական 1787—1789 թթ. պատերազմում շեյխ

Մանսուրի ասպտամբուլյան շրջանում. Ռուսաստանի գաղութարարական քաղաքականությունը Կովկասում XIX դ. առաջին կեսում. Ժողովրդական շարժումները Կովկասում XIX դ. կեսերին. Հյուսիսային Կովկասը նախառեֆորմյան շրջանում»:

Գրքի բովանդակությունը, ինչպես տեսնում ենք, ավելի լայն ու հարուստ է, քան այդ մասին կարելի է դատել նրա վերնագրից: Անհրաժեշտ է նշել, որ հեղինակը իր թեման շարագրում է համաշխարհային իրադարձությունների և միջազգային դիվանագիտական հարաբերությունների ընդհանուր ֆոնի վրա:

Աշխատության մեջ մեծ տեղ է հատկացված Կովկասի ժողովուրդների Ռուսաստանի հետ ունեցած բարեկամական հարաբերությունների ծագման ու զարգացման պատմությանը: Հետաքրքիր տվյալներ են բերված Ռուսաստանի ու Կովկասի առևտրական ու քաղաքական հարաբերությունների, այդ երկրամասի ժողովուրդների ռուսական կողմնորոշման ձևավորման, ռուս և լեռնաքնակ ժողովուրդների համատեղ պայքարի մասին և այլն:

Հեղինակը հանգամանորեն քննարկում է նաև ցարական ինքնակալության աղգային-գաղութարարական քաղաքականությունը, մերկացում է նրա էությունը, բնույթն ու զարգացման էտապները, նրա սոցիալ-տնտեսական, ռազմաքաղաքական նախադրյալներն ու հիմքերը: Բայց սրա հետ մեկտեղ նա ցույց է տալիս և այն ազդեցիկ հասփշտակողական քաղաքականությունը, որը դարեր շարունակ Կովկասում իրագործվել է թուրքիայի, նրա վասալ Ղրիմի խանության, Իրանի և նրանց հետևում թաքնված Անգլիայի ու Ֆրանսիայի կողմից: Գրքում բերված տրվյալներն ու որոշ պատմաբանների պնդումն այն մասին, որ իբր Անգլիան ու Ֆրանսիան հեռու էին կանգնած «կովկասյան գործերից» և այդ երկրամասի հանդեպ ակտիվ քաղաքականություն չէին վարում: Պրոֆ. Սմիրնովը բազմիցս նշում է այն անժխտելի փաստը, որ եվրոպական այս երկու խոշոր գաղութարարական տերությունները XVIII և, մասնավորապես, XIX դարերում, ամեն կերպ աշխատում էին թուլացնել ցարական Ռուսաստանին և դուրս մղել նրան Կովկասից: Հաջող կերպով նկարագրելով զանազան պետությունների մրցակցության պատկերը այդ երկրամասը տիրելու համար, հեղինակը գալիս է այն ճիշտ եզրակացության, թե Կովկասի հարցը ղեռնա ՎՊՄՈՒ դարում միջազգային նշանակություն ստացավ:

Պրոֆ. Սմիրնովը նկարագրում է Ղրիմի խանություն, թուրքիայի և Իրանի կողմից դեպի Կովկաս ձեռնարկած բազմաթիվ ավերիչ ար-

շավանքները: Միաժամանակ նա խոսում է այն ծանր հետևանքների մասին, որ ունեցավ թուրքական փաշաների և պարսկական խաների տիրապետությունը Հյուսիսային Կովկասի և Անդրկովկասի ժողովուրդների համար: Ինչպես նշում է հեղինակը, օտարերկրյա այս կեղծքիչները Կովկասի իրենց կողմից գրաված շրջաններում հաստատում էին ռազմական օկուպացիայի դաժան ռեժիմ, ծանր հարկային ճնշում, ձեռք էին առնում տնտեսական և արտատնտեսական հարկադրման ամենաբարբարոսական ձևերը, վարում էին չորդարկված կողոպուտի ու թալանի, ֆեոդալական երկպառակությունների հրահրման, ազգային պառակտմաների, կրոնական ֆանատիզմի քաղաքականություն և այլն: Իսկ այս ամենը քայքայում էր քաղաքների ու գյուղերի արտադրողներին, խիստ կերպով արգելակում էր Կովկասի ժողովուրդների սոցիալ-տնտեսական ու կուլտուրական կյանքի զարգացումը:

Գրքի հեղինակը նոր փաստերի հիման վրա հաստատում է այն գիտական տեսակետը, թե Կովկասի միացումը Ռուսաստանին պատմական մեծ նշանակություն ունեցող առաջադիմական երևույթ էր: Նա միանգամայն իրավացի է, երբ գրում է, որ անկախ ցարական կառավարություն արտաքին քաղաքականության սուբյեկտիվ նպատակներից ու թելադրանքներից, շնայած նրա գաղութարարական բնույթին, այդ նշանակալից ակտը հսկայական զրական դեր խաղաց կովկասյան ժողովուրդների պատմական ճակատագրում: Պատահական չէ, որ Կովկասի բոլոր առաջադեմ գործիչները, առաջավոր գրականությունն ու մշակույթի բոլոր անվանի ներկայացուցիչները ջերմորեն ողջունեցին իրենց երկրի միացումը Ռուսաստանին:

Կովկասի՝ Ռուսաստանին միանալու նշանակության մասին պարզ ու հստակ ասված է ՍՍՌՄ Գերագույն Սովետի, ՍՍՌՄ Մինիստրների Սովետի և ՍՄԿՊ ողջույնի խոսքում՝ ուղղված Կարադղինա-Բալկարական ԱՍՍՌ-ի աշխատավորությանը, որը 1957 թ. հուլիսին տոնում էր Կարադղայի Ռուսաստանին միանալու 400-ամյակը: Այդ ողջույնի խոսքում մենք կարողում ենք. «Կարադղայի միացումը Ռուսական պետությանը վճռական նշանակություն ունեցավ կարադղինական, բալկարական և այլ ժողովուրդների պատմական ճակատագրում: Նա ապահովեց այդ ժողովուրդների հետագա ազգային զարգացման հնարավորությունը, փերկեց նրանց օտարերկրյա զավթիչների կողմից ստրկացվելուց ու ոչնչացվելուց, բարեհաջող պայմաններ ստեղծեց ռուս ժողովրդի և մեր երկրի մյուս ժողովուրդների հետ տնտեսական ու կուլտուրական համագործակցության համար

(«Պրավդա», 6 հուլիսի, 1957): Պրոֆ. Սմիրնովը հենց այս դրույթների լուսի տակ է լուսարանում իր բնորած թեմայի հետ կապված պատմական երևույթները:

Գրախոսվող գրքի արժանիքներից մեկը պետք է համարել այն, որ նրանում լուսարանվում է Հյուսիսային Կովկասի լեռնային ժողովուրդների սոցիալ-տնտեսական կյանքը: Պետք է ասել, որ այս բարդ հարցը քիչ է ուսումնասիրված: Պրոֆ. Սմիրնովը լուրջ փորձեր է կատարում այս ուղղությամբ: Յզոտագործելով բազմահարուստ նյութեր, նա ճիշտ եզրակացություններ է հանդում: Ձի կարելի, օրինակ, շեմաձայնել հեղինակի հետ, երբ նա դրում է «Հյուսիսային Կովկասի ժողովուրդների սոցիալ-տնտեսական զարգացման մակարդակը XVIII դ. վերջում միատեսակ չէր: Եթե կարարդինացիների, մասամբ ավարցիների հասարակական կարգը կարելի է բնութագրել որպես ֆեոդալական, ապա լակերը, շեշենները, ինգուլները և լեռնային շրջաններում բնակված այլ ժողովուրդները ապրում էին դեռ նոր ստեղծվող ֆեոդալական հարաբերությունների պայմաններում, թեպետև նրանց մոտ արդեն տեղի էր ունենում հասարակական շերտավորում. ֆեոդալականացող ավազներին հակադրվում էր ընչազուրկ ազգաանների ու արևելյան ժասսան» (էջ 135):

Պրոֆ. Սմիրնովը համոզիչ կերպով ցույց է տալիս, որ դեռևս XVIII դ. վերջին, Հյուսիսային Կովկասի լեռնային բնակչության մեջ դասակարգային հակասությունները սուր կերպարանք ստացան: Բնորոշ է, որ այս շրջանում արդեն տեղի են ունենում տեղական իշխանների կողմից շահագործվող դյուղացիների մասսայական փախուստի դեպքեր: Թուսական կառավարությունը ամեն կերպ հովանավորում էր կովկասյան ֆեոդալներին, որի պատճառով էլ նրանց մեծ մասը կողմնորոշվում էր գեպի ցարական Թուսաստան:

Հետաքրքիր են, մասնավորապես, գրքի այն գլուխները, որոնք նվիրված են Հյուսիսային Կովկասի լեռնային ժողովրդական շարժումներին: Հեղինակը համեմատաբար մանրամասնորեն է կանգ առնում շեյխ Մանսուրի և իմամ Շամիլի գլխավորած ապստամբությունների վրա: Համառոտ շարադրելով ժողովրդական շարժումների պատմությունը XVIII—XIX դարերում, պրոֆ. Սմիրնովը միաժամանակ բացատրում է նրանց սոցիալական արմատները, շարժիչ ուժերը, հակասական տենդենցները և այն հետադիմական նպատակները, որոնց հետևանքում էին այդ ապստամբությունների դեկավրները:

Գրքում խոսվում է մյուրիդիզմի մասին, որը բնութագրվում է որպես «մարտնչող ֆեոդալիզմի և կղերական ավագանիի կրոնական-քաղաքական գաղափարախոսություն»: Հեղինակը արդարացիորեն դրում է, որ ճնշվով ժողովուրդների ազգային ինքնագիտակցության որևէ արտահայտություն մյուրիդիզմը շարիաթի կրոնական օրենսդրության օգնությամբ արմատավորում էր ֆեոդալական իրավունքի նորմաները: «Մյուրիդիզմը սրողում էր դասակարգային հակասությունները: Լեռնայինների պայքարը սոցիալական ազատության համար, նրանց ազգային իրավունքների և տնտեսական շահերի համար մյուրիդիզմը փոխարինեց իսլամի հաղթանակի, կրոնական օրենքների կյանքի լրիվ հնազանդեցման համար պայքարով, օրենքներ, որոնք փաստորեն անհամատեղելի էին ուսուցիչների պահանջների հետ» (էջ 213): Եզրակացությունը պարզ է. մյուրիդիզմը ունակցիոն գաղափարախոսություն էր, նա լուրջ խոչընդոտ էր հանդիսանում լեռնային ժողովուրդների առաջադիմական զարգացման համար:

Աշխատության մեջ քննարկված են նաև այնպիսի հարցեր, ինչպես դյուղացիական ռեֆորմը և կապիտալիստական հարաբերությունների զարգացումը Հյուսիսային Կովկասում, Անգլիայի ու Գերմանիայի հաֆրուկային քաղաքականությունը Մերձավոր ու Միջին Արևելքում: XVIII—XIX դարերում և քննարկվող հիմնական խնդրի հետ կապված մի շարք այլ հարցեր:

Մի բանի գիտողությունները կենտրոնացնելով իր ուշադրությունը Կաբարդայի պատմության մի բանի հարցերի վրա, հեղինակը համեմատաբար ավելի քիչ է կանգ առնում Կովկասի մյուս ժողովուրդների պատմության վրա: Խոսելով ցարիզմի գաղութարարական քաղաքականության մասին, հեղինակը զարգացնում է այն միտքը (էջ 186—187), թե Կովկասում ցարական ազմինիստրացիայի ոչ բոլոր ներկայացուցիչներն են եղել կոպիտ ուժի և պատժիչ արշավախմբերի քաղաքականության կողմնակիցներ: Եղել են և այնպիսիները, որոնք առաջ են քաշել երկրի խաղաղ տնտեսական ու կուլտուրական զարգացման առաջադեմ պլաններ: Թեզը ճիշտ է, բայց այն հիմնավորելու համար, թվում է, թե պետք է բերվեր ոչ թե ցարիզմի ստրկամիտ ծառաներ գեներալ Գուրովիչի, ազմիրալ Մորզովինովի և ուրիշների օրինակը, այլ Ա. Ս. Գրիբոլեդովի և իր հայացքներով առաջադեմ շինովինկ Ջավիլյակու. օրինակը, որոնք, ինչպես հայտնի է, կազմեցին Անդրկովկասի և ամբողջ Կովկասի տնտեսական վերափոխման նախագիծը, նախագիծ, որը երկար քննարկումներից հետո մերժվեց ցարական կառավարու-

թյան կողմից: Բավարար շափով շիցույց արված Անդրկովկասի ժողովուրդների ակտիվ մասնակցությունը XVIII և XIX դարերի ընթացքում տեղի ունեցած ռուս-պարսկական և ռուս-թուրքական պատերազմներին: Ճիշտ չեն բացատրվում այն նկատառումները, որոնց հետևիվանքով XVIII դարի վերջերին Ղրիմի հայրնակչությունը գաղթեցվեց Հյուսիսային Կովկաս: Եղևնի և հետևյալը. 1820-ական թվականների վերջին Անդրկովկաս գաղթած հայերի թիվը կազմում էր՝ Իրանից—40 հազար, իսկ Քուրդիստանից՝ 90 հազար մարդ: Մինչդեռ, դրախոսվող գրքում (էջ 189) բերվում են այլ թվեր:

Պրոֆ. Ն. Ա. Սմիլնովի աշխատությունը գրված է գրական ու արխիվային հարուստ նյութի հիման վրա: Եւ ճիշտ կերպով է լուսաբանում Կովկասի ժողովուրդների պատմության, ցարական Ռուսաստանի արտաքին քաղաքականության և ռուս կովկասյան ժողովուրդների բազմադարյան բարեկամական հարաբերությունների շատ էջեր: Այս գիրքը անկասկած հետաքրքիր և օգտակար աշխատություն է: Պետք է ցավել, սակայն, որ նա լույս է բնծայված փոքր տպագրանակով (3000 օրինակ):

Ն. ԳԵՂԱՄՅԱՆ